

中國方志叢書·華中地方·第七九一號

據

清·張興言等修，謝煌等纂
清同治十年刊本

影印

江 西 省

宜黃縣志

(天)

成文出版社有限公司印行

宜黃縣志卷二十一

武備志 武事

宜黃居萬山之中徑路僅可通人非有平原曠野可
爲用武之地惟界連閩廣流寇竊發亦往往被其殲
破一經勦撫旋即掃除故歷宋元明前志所載武事
甚略我

朝深仁厚澤寰宇乂安康熙丙辰而後三藩既定四海
永清邑無寇警二百餘年矣乃髮匪構煽蔓延大江
南北江右郡縣大半被兵而宜邑擾害尤甚自賊

五年至同治三年請援兵練義勇結鄉團籌辦經費者近十年中間官紳殉難兵勇陣亡婦女死節所在皆有彙報在案大憲以聞

朝廷推恩卹蔭如例分別廣額獎敘有差慰忠魂勸民義也歲庚午奉檄修縣志作武事紀凡官紳殉難者編入人物志其禦賊陣亡與遇賊被害例得書名各以類分至貞女烈婦尤堪嘉尙附名列女用昭核實云

宋理宗紹定三年庚寅春汀寇入宜黃焚崇仁郡城大

震帥府遣遊軍來援兼檄鄧傳二社兵暨坊團義兵登
陴設備賊遁閏二月復犯金谿南境鄧傳兵馳歸逐之
王師踵至賊遂平

趙蔡傳

恭宗德祐二年吳俊聚兵廣昌取南豐宜黃寧都三

出宋志

元至正十二年壬辰閏三月紅巾自臨江富州城

今豐城

撫州監郡完者帖木兒元帥章士謙戰屢捷不能入而

宜黃崇仁樂安焚劫幾盡金谿被害尤慘

葛元喆鄧烈傳

十三年臨川民胡志學鄧和崇仁民杜四熊三劉世英

等攻劫不已泰政朶及師久無功朝廷命廉訪使吳當
兵部尙書黃昭招捕十六年丙申廉訪使吳當調檢校
章迪率本部兵與黃昭夾攻撫州殺首寇胡志學進兵
復崇仁宜黃於是撫建二郡悉定按涂幾章迪傳迪字允德臨川人實專軍務後竟爲叛逆誣搆以功受戮時論寃之

明嘉靖辛酉閏五月廣寇林朝曦等三掠縣境居民竄
匿山谷多被焚劫崇賢鄉荷溪李孟三率鄉兵格戰殺
賊三十餘人賊衆三千大集孟三等八十餘人殲焉焚
燬民居二百餘掠老幼三十餘人八月初九有賊四千

復至稻穀貲財一空廖坊棠陰被害尤甚巡撫滁上胡公松臨縣招集民稍安堵時譚襄敏公丁艱在籍胡公延入幕府籌商善後事宜多所施行卽請檄縣丞建縣城而公旋被命奪情赴閩勦賊因陳請舊治台州親領精兵數百隨帶由撫州宜黃取道赴閩所過肅清宜邑全境始得泰然

嘉靖辛酉公適丁父憂回遭廣寇流劫撫建殺掠譚坊慘甚時當事交薦公威名遂起復領浙兵勦賊公自招新兵駐梅坊官羅峯良久一日候俞將軍遠來浦至梅

坊聞公親身衝賊將軍亦不飯躡跡入賊圍與公接應
其奮不顧身如此

載襄敏公遺集

明崇禎五年壬申贛賊數百人從永豐入樂安崇仁宜
黃多被焚掠各鄉民兵禦之殺傷相當半月而遁

崇禎十一年戊寅二月寧都人張普微等假佛道聚豐
山作亂時有密密教紅紗罩之謠邑人震懼而別聚鉛
山之寇已破瀘溪廵建昌矣中丞解公學龍討平之

國朝順治三年丙戌八月原任檢討傅鼎銓往寧都借
兵於田海忠不應因集鄉勇破宜黃駐兵樂安原任知

州揭重熙聞唐王起贛州信道趙贛爲我兵掩襲大潰
收散卒攻破撫州中軍洪深沒於陣兵士僅存千人退

次王洞

雜記

順治七年庚寅贛甯賊首萬先鋒突至麻坑都中社
斬賊百十餘級解送邑侯王公辛卯春賊弟萬實從
壯兵奮勇擒獻正法九月賊黨九龍精統萬餘人來壯
兵殺賊無數然餘黨未盡邑侯命設隘守禦時香山僧
別號石山樵人會同都中自軍峰迤邐而下詳審衆
要路由東源入者設大雄關由南源入者設上關由上

南入者設下隘經始於壬辰正月越二月而工成復往
建昌訴於兵巡道王公王公命麾下包公領馬步兵隨
社兵勦滅淨盡包公乃班師兵巡道聞社兵勇銳賞以
金帛因以所賞之金置買雲峯寺田產

順治十年癸巳粵寇曾九龍等結黨萬餘盤踞橫石山
寨流毒撫建諸郡縣大兵屢勦烏道莫入時歐陽玉臺
公以前明都督同知隱居玉山寺總督江南江西部院
馬巡撫江西部院蔡知其偉畧素著禮請出山專理勦
撫乃集練鄉勇協同黃叅將九疇帶領官兵密布鎖鑰

公單騎入穴計擒渠孽曾九龍管毓峨蕭三才諸寇解散黨與董曙白等凡四府七縣悉荷更生而撫建東南士民尤深尸祝焉

康熙十三年甲寅逆藩耿精忠踞閩叛遣僞將易明攻撫州城守遊擊楊玉泰守備王士質從逆七月初六日城陷土賊乘閒盤踞各邑金谿知縣白琬如迎降崇仁知縣陳潛棄城逃宜黃署縣事縣丞劉揚俊脅從樂安知縣郭肇基被害東鄉知縣汪士奇臨川知縣邱泰隨知府王永茂請兵南昌九月正黃旗將軍希爾根鑲黃

旗將軍哈爾哈齊正紅旗將軍舒恕統集禁旅分路勦
撫城池先後恢復

府志

據南豐志擾宜黃者樂燦也尤西堂艮齋倦藁有懷
遠將軍李君威墓誌銘云君少爲宛平諸生雖學書
好兵法康熙十三年三藩煽亂總守董公聞公名徵
入見題授饒州城守轉撫州君受命不介馬而馳由
賊圍中衝突遂復府城時賊離城三里許君駐城外
文昌橋下馬明王廟中懸釜而炊宵則露宿值舊兵
逃散饋餉不給君招募技勇捐俸乞糧手製火炮五

百門士氣十倍隨希哈二將軍上七里岡殲閩來楊
寇卽隨舒將軍恢復樂崇宜三縣十五年改授督標
中軍十六年防禦弋陽調守宜黃堵截樂安修戢城

池

按君威名
虎號平岡

咸豐五年乙卯僞翼王石達開率眾號十萬分掠江西
九廣饒瑞臨等府相繼陷撫郡告警集團練勇宜民皆
入堡

咸豐六年丙辰正月吉安永豐樂安以次陷官軍駐竹
山坑三月軍潰統帶鎮軍查義甯州樊先後走宜黃查

退甯都樊退南豐路經棠陰局借餉有藍旗兵強勒民財樊戮之至均嶺獲逸犯又戮之而去邑侯傅培峰集團守城派勇防堵楊公嶺聞撫城失守馳赴甯都求援同城官分馳崇仙二鄉招聯堵隘三月初四匪竄入宜初六城陷僞監軍吳天福據之龔鄒陳謝諸逆大肆擾害邊錢會匪附之仇殺前告會匪監生張奪標等立軍師旅帥僞目逼勒投充違則焚殺幸賊目龔奉僞令誅斬凶逆方二余三撤吳逆以鮑逆代勢燄稍息宜民因得復結聯六月官軍駐臨川劉坊傅邑侯詣營請兵以

撫郡未克勿許旋聞宜民已結聯統帶李元度乃分平
江勇五嶽營志同軍於九月初一克宜黃初三傳邑侯
復任十月初八勦撫官軍潰匪長驅入宜城復陷傳邑
侯由建郡晉省告變請兵

咸豐七年丁巳換偽監軍曹逆撤回鮑逆是時匪黨
時來往有遜天侯禱天侯表天燕光天豫楊國宗王旬
宜賴檢點汪指揮蘇指揮查總制鄧總制關監軍等偽
職及廣匪二十四軍諸大寇絡繹騷擾民不聊生

咸豐八年戊午正月偽監軍胡逆屯仙九都雲中寺三

月初一日老湘營張王副湘營胡吉字營朱寶前營劉寶副中營羅寶慶營黃恢復縣城初九日傳邑侯復任黎逆由龍骨渡下麓營山踰岱六都窺仙六都劉都戎自棠陰進勦羅遊府檄軍功監生鄒錫福等率田勇由岱鄉隨同進勦仙鄉教職洪象賢亦率田勇助之失利陣亡是時兩路官軍奮擊黎逆敗走湘營繼進追擊於磁圭大破之斬首千餘級移營出仙鄉隘檄生員吳世熙督率仙桂營隨征至南城裏塔墟塘坊渡殺賊千餘溺水死者無算二十一日建郡屯匪聞風遁宜黃諸田

勇同日進城世熙以軍功保用縣丞擇其尤出力者保
奏如舉人符鴻謨吳廷杰教職黃式度准以知縣歸部
銓用舉人程培義教職黃秩模縣丞吳恩晉俱准加五
品銜拔貢吳鏞准以教諭補用生員余鼎猷准以訓導
選用監生戴君恩准以從九品選用是年七月官軍
勦安仁復吉安八月十八日吉安敗匪分兩路竄崇宜
一由葛仙坳卡竄入崇十五都生員李獻詩親督鄉勇
堵禦賊由間道蜂擁而至寡不敵眾陣亡者甚多賊入
蛟湖村焚劫次日崇聯大集逐之而去一由李陂橋竄

孤嶺傅邑侯派典史蕭庭俊舉人黃秩法張受勤教職
黃秩模守城親率武舉紀鳳翔符先聲鍾爲棟羅步鰲
統帶練勇堵孤嶺分檄三鄉田勇數千隨後以助聲援
二十日卯刻出隊因撞炮露濕發火不利賊大至奪嶺
武舉紀鳳翔死之田勇死者數百人眾遂潰傅邑侯亟
馳入城閉北關賊猝斬關入傅邑侯衣朝服升公座賊
至罵賊賊憤支解之焚尸於故縣廟側幕友施淦舉人
黃秩法張受勤殉焉是時舉人吳廷杰帶領仙十三都
練勇馳至黎家墩遇賊結陣以待賊不敢犯救護典史